



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCCXVII. De Obsidione castri Christmemele.

urn:nbn:de:hbz:466:1-11850

de cibo & rebus aliis ibi deposuerant deductos. Turbati ergo fratres dum venirent ad secundam mansionem, & ibi & de pane & aliis relictis nihil penitus invenirent, processerunt & pluribus diebus fuerunt sine pane, quidam fame invalescente comederunt equos suos, alii herbas, & radices earum, aliqui mortui fuerunt fame, multi inedia consumpti post reditum defecerunt, reliqui circa finem sextæ hebdomadæ à die quâ exierant sunt reversi.

CAP. CCCXVI.

*De**Impugnatione castri Raganitæ.*

Anno Domini MCCCXV. circa assumptionem B. Virginis Lethovini de Samethia cum omni potentia exercitus sui venerunt occultè & improvisè ad castrum Raganitam & impugnaverunt illud, quibus fratres dum occurrerent in bello, non valentes tantæ multitudini resistere, coacti sunt retrocedere; non tamen sine pœnitentiâ suorum, quia Fr. Joannes dictus Poppo ibi occisus fuit ab infidelibus & plures alii vulnerati. Tandem cum Lethovini in hac impugnatione non proficerent, calcatis & destructis in agro utriusque castri, scilicet Scallovitarum & Raganitæ, segetibus, recesserunt.

CAP. CCCXVII.

*De**Obsidione castri Christmemele.*

Eodem anno mense Seprembri Wittenus Rex Lethovinarum, congregatis omnibus de regno suo, qui ad bellum apti fuerunt, obsedit Christmemelam & per XVII. dies duabus machinis & multis Sagittariis ex omni parte fortissimè impugnavit. Fratres autem hoc videntes, ut præcaverent futurum periculum,

lum, castri sui præurbium cremaverunt. Medio tempore, quo hæc agerentur, venerunt de Sambia X. fratres, CL. viri navigio in subsidium dicti castri; sed Lethovvini ita prudenter occupaverant vias & aditus ipsius castri, quod licet sæpius attentaretur, nullus tamen habere poterat accessum ad ipsum. Unde coacti sunt fratres manere in navibus, ubi eos Lethovvini singulis diebus impugnaverunt, in qua pugna de infidelibus plures occisi sunt, & lethaliter vulnerati, & de parte fratrum XVIII. viri vulnerati. Dum ergò sic non proficerent, tandem die XVII. cum vellent recedere, intellecto, quod Magister cum magno exercitu appropinquaret, accedentes ad fossam castri, apportaverunt ligna, fœnum, stipulas, & stramina, volentes ipsum utique concremare; in qua comportatione & impugnatione tot de infidelibus occisi sunt, & lethaliter vulnerati, quod eorum numerum (non) audivi, sicque combustis machinis negotio recesserunt.

CAP. CCCXVIII.

De
Combustione suburbii castri Junigeda.

Interea Fr. Carolus Magister generalis de salute suorum sollicitus, turbatusque de obsidione dicti castri, congregavit magnum exercitum, ut ipsum liberaret: sed dum in via perciperet, quod esset solutum ab obsidione, dimisit exercitum, præter sex millia hominum, cum quibus navigio venit noctis tempore ad castrum Junigedam, & intrantes suburbium ejus, occisis multis hominibus & LXXVIII. captis, funditus per incendium destruxerunt. Deinde processerunt Christmemelam, & quicquid Lethovvini ibidem destruxerant, refecerunt.

CAP.